

Glenbert Croes mester paga compania Mericano 100 Mil Florin como adelanto

ORANJESTAD(AAN) --

Manera DIARIO a publica, ayera mainta Juez a dicta sentencia den e caso cu e compania Mericano Laszlo &

Associates Inc. a cuminsa contra Glenbert Croes.

Abogado mr. Bikker kende a representa Laszlo a demanda pa Juez ordena Glen-

bert Croes pa paga un adelanto di e 47.331,57 dollar cu e debe ainda mas e 2 % di multa di interes desde 6 di Maart 1998 y e suma di 17500 Florin.

Manera ta conoci, Laszlo & Associates Inc. tabata e compania cu a yuda partido OLA den campaña y Glenbert Croes como presidente di e partido a firma e acuerdo. E suma 47.331,57 dollar ta e restante di e 190 mil dollar cu e compania cobra pa su servicio.

Juez den su evaluacion ta muestra cu door cu e compania a cuminsa un caso contra Lacle y cu esaki a worde hala aden durante tratamiento di e caso, e compania mester cubri e gastonan cu Lacle mester a haci pa e caso aki.

Juez ta haya cu Laszlo a argumenta y motiva cu e tin motibo di urgencia pa haya e placa cu Glenbert Croes debe. Juez ta haya cu Croes no a contradeci esaki suficiente y pesty ta sali for di e punto di bista cu tin motibo di urgencia.

Abogado di Croes, mr. Hese a trece padilanti cu Laszlo no a cumpli completamente cu su contract y pesey Croes lo haci un contra demanda di 76,250 dollar.

Abogado mr. Bikker a muestra

cu e ta duda cu e compania no a cumpli ya cu Croes a firma e acuerdo tres dia promer cu eleccion y cu ta solamente den e ultimo tres dianan e compania por a keda sin cumpli. Segun mr. Hese door di e tension di campaña Croes a keda sin reclama e compania. Juez ta haya cu door cu mr. Hese no a demostra suficiente kico ta e fayonan cu e compania a haci mientras cu e duda di parti di e compania ta muestra mas aceptabel, lo tin un tiki cuenta cu e falta di cumplimento.

E ta haya cu 100 mil Florin como adelanto di e suma cu Glenbert debe ta hustifica. E suma aki ta encera adelanto, interes y gastonan.

Juez su sentencia ta cu e ta ordena Glenbert Croes pa paga 100 mil Florin na Laszlo & Associates.

El a ordena Laszlo pa paga 375 Florin na Lacle como gasto di abogado mientras cu Glenbert Croes mester paga 119,50 Florin na adelanto, 515 Florin na griffie y 375 Florin como salario di abogado.

Mas mentira di MEP

Ki dia MEP lo contribui cu solucionnan?

ORANJESTAD (AAN): A tuma partido MEP casi un año di tempo, pa por a realisa cu pueblo a duna su opinion dia 12 di December año pasa, pero ta contento cu en todo caso e hala hoben di e partido a compronde e inportacion di e plan di gobierno di e gabinete aki, y a dicidi di bin para banda di gabinete Eman III pa cu ejecucion di plan aki.

Cu sumo satisfaccion nos por a tuma nota di e declaracion di presidente di e partido MEP, caminda e ta declara di ta sumamente contento di por a firma un acuerdo cu gobierno, caminda nan tambe ta bay duna tur nan cooperacion y sosten pa por ejecuta e rapport calidad integralmente dentro di e termino di un año cual gobierno a stipula den su acuerdo di principio y tambe nota di manejo di Gabinete Eman III. Esaki ta sumamente importante mirando den e partido MEP mes tawata tin hopi confucion entre e hala hoben y esunan mas grandi den e partido.

Ta claro si cu tin un presion hopi grandi riba e lider di e partido geel, mirando cu ela kere cu pais Aruba lo a bay bancarota y cu e gobierno cu sinta lo tin cu bin cu medianan, algo cu partido AVP a bisa cu na ningun momento lo ta e caso, simplemente pasobra no tin necesidad pa esaki, y a priminti na hopi di su integrantenan di cu pronto nan lo ta den gobierno, y pesey ta haci saltonan mortal awor, usando personanan ajeno cu ta riba su lista pa haci trabounan sushi y poniendo nan trabou den e forma aki den e partido. Loque nos ta mira awe ta un MEP desespera tratando di tur manera pa descredita e gobierno aki door di lansa un cantidad di mentiranan, purbando di confundi e comunidad. Na hopi ocasion a puntra e partido MEP ta pakico ta welga y te awe no tin contesta.

Hecho si ta cu MEP a bisa: 1. No tin placa, cu gobierno na fin di año lo ta bancarota y cu e unico SOLUCION ta medida. Permitimi recorda partido MEP cu na 93 tanto CAD como tambe e comision cu Gabinete di MEP a instala a bisa nan cu finanzas publico ta completamente fo'i man y cu e medianan tuma ta desastrozo pa economia di Aruba, hecho ta cu awe finanzas publico ta cana den bon direccion y cu no tin ningun necesidad pa ningun clase di medida.

A purba di descredita e manejo di gabinete Eman III riba p.e. privatisacion di Setar. Atrobe mi kier

recorda partido MEP riba su decision di 22 di november 93, caminda a dicidi di privatiza SETAR, anto awe ta canta otro cancion.

A purba di ataca, daña y susha number di hendenan local y profesional den posicionnan cerca di gabinete Eman III; Ainda nos por corda con MEP a hinca mas di 2000 hende den Gobierno, sin menciona e cantidad di compinchenan di e partido y consultantnan stranhero cu nan tawata tin na monoton, awe nos ta mira un Gobierno cu ta duna oportunidad na arubianonan profesional, studia cu kier traha pa nan Pais, cu a logra drecha hopi cu Gobierno di MEP a daña.

A critica e idea di privatiza Serlimar, caminda cu gobierno lo carga tur gasto di esaki den e promer añanan y consecuentemente laga pueblo contribui na esaki. Awor ta sali na cla cu MEP

mes dia 22 di september 93, a dicidi di bay cobra pueblo AFL 15,00 pa cada cas, cual decision a worde revoca dor di Gabinete Eman II, mirando cu lo mester tuma un decision mas responsabel cu solamente haci esaki parti di un cantidad di medida, manera tawata intension di MEP na 93.

Y asina por continua cu un gran cantidad di mentiranan cu partido MEP den su desesperacion ta lansando, difamando y agitando un parti chiquito di nos comunidad. Realidad ta cu Aruba ta canando padilanti cu hopi positivismo, economia ta stabiel y creciendo, cu mira ariba un gran cantidad di inversionan cu lo tuma lugar otro año y cu e respet cu nos como arubiano ta desea di tin rond mundo. Realidad tambe ta cu MEP a hafia tur oportunidad pa ta den gobierno y trese nan SOLUCIONNAN, pero a scohe pa bay den opocision y awor ta lamenta.

VOL VERWACHTING KLOPT ONS HART, WIE DE KOEK KRIJGT, WIE DE BOM!!

